


GUDIAN
WENXUEMINGZHU



中国古典文学名著


齐东野语



远方出版社

1105845

中国古典文学名著



齐东野语

主 编：王玉芬

主 编：王玉芬

责任编辑：陈丽娟

出版发行：江苏古籍出版社

地址：南京市太平门内

邮编：210009

电话：025-8364111

电报挂号：0080

电报挂号：0081

—80—



淮阴师范学院图书馆 1105845

远方出版社 (全) 80.00元 定价

1102845



中国古典文学名著

中国古典文学名著

王玉芬 主

主 编:王玉芬

责 编:胡丽娟

出版发行:远方出版社

地 址:呼市乌兰察布东路 666 号

印 刷:北京市施园印刷厂

开 本:850×1168 1/32

字 数:3800 千字

印 张:126

标准书号:ISBN 7-80595-682-0/I·267

印 次:2006 年 8 月第 2 版第 1 次印刷

印 数:3000 册

定 价:604.80 元(全 36 册)

前 言

中国古代文典经籍，上起殷周之际，下迄清季近代，其渊源之流长，数量之浩繁，意蕴之深远，文思之博奥，即使在世界文明的长河中，也堪称璀璨夺目、无与伦比，成为中华民族最为绮丽辉煌的精髓所在。而在这浩瀚无涯的文洋典海之中，那些彪炳史册，传之千载，却终未湮没于滚滚东逝之水的瑰文琼典、名著名篇，更是博大精深，流光远播。

然而，面对浩如烟海的文典经籍和悠长久远的传统文化，如何探幽寻径，进而登堂入室，受惠得益，却终究成为一个难以解答的问题。人生有涯而知无涯，如若疏于识辨，不加慎择，势必如同海空泛叶舟，甚至难取皮毛。若非择其精要者而观瞻体味，便很难有“一日看尽长安花”的畅意淋漓。

为了使广大读者能够一览中国古典名著的神韵，本书从浩如烟海的古代典籍中选出部分经典之作，这些作品代表了不同时代各个领域的最高水平。如《诗经》是中国文学史上最早的一部诗歌总集，可以“兴”、可以“观”、可以“群”、可以“怨”，开中国现实主义文学之先河，质朴平实，生动鲜活，文辞优美，蔚为壮观；《天工开物》系统地总结了我国历史中重大的科技成就，是我国科技史上有关农业和手工业的百科全书式的重要文献；《梦溪笔谈》是我国北宋大科学家沈括的传世著作，遍及天文、数学、物理、化学、地学、生

物以及冶金、机械、营造、造纸技术等各个方面,内容十分广泛、丰富,是中国科学史的重要著作。《梦溪笔谈》中所记述的许多科学成就均达到了当时世界的最高水平。英国著名科学史专家李约瑟称《梦溪笔谈》是“中国科学史上的坐标”;《孙子兵法》是中国古代最伟大的军事理论著作,也是中国古籍在世界影响最大、最为广泛的著作之一,它缜密的军事、哲学思想体系,深远的哲理、变化无穷的战略战术,常读常新的探讨韵味,在世界军事思想领域也拥有广泛的影响,享有极高的声誉……。总之,这些作品都是经过大浪淘沙,在历史长河中流传下来的不朽杰作。勾画出中国古典名著大致轮廓,令读者尽睹古典名著之神韵。

在整理和编撰过程中,编委们无不倾心力,披沙拣金、精心采撷,然古籍浩瀚如海,难免会有所遗漏,有失偏颇。如有不足或错漏之处,望广大读者不吝指正。

编者

2006年8月



目 录

《齐东野语》叙	(1)
表答用先世语	(3)
三苏不取孔明	(3)
诗用史论	(4)
真西山	(6)
梓人抡材	(7)
林 复	(7)
汪端明	(8)
张定叟失出	(9)
放翁钟情前室	(10)
张魏公三战本末略	(11)
绍熙内禅	(21)
诛韩本末	(27)
方巨山争体统	(32)
曝 日	(32)
经验方	(34)
用事切当	(35)
作文自出机杼难	(35)
端平入洛	(36)
端平襄州本末	(38)



乔文惠晚景	(41)
解 颐	(41)
胡明仲本末	(42)
诗用事	(43)
王魁传	(44)
向氏粥田	(45)
王敦之诈	(46)
赠云贡云	(47)
朱氏阴德	(47)
洪君畴	(48)
谢惠国坐亡	(52)
洪端明入冥	(53)
野 婆	(55)
王宣子讨贼	(56)
罗春伯政事	(57)
赵德庄海后进	(57)
小儿疮痘	(58)
昌化章氏	(59)
吴季谦改秩	(59)
义绝合离	(60)
郑时中得官	(61)
李 全	(62)
洪景卢	(67)
混成集	(68)
滕茂实	(68)
曹 泳	(70)
朱汉章本末	(71)
陆务观得罪	(72)



高宗立储	(72)
慈懿李后	(73)
道 学	(74)
邓友龙开边	(75)
文庄论安丙矫诏	(75)
姜尧章自叙	(76)
淳绍岁币	(77)
捕猿戒	(79)
火浣布	(80)
秦桧之收诸将兵柄	(81)
岳武穆逸事	(82)
林 外	(83)
优 语	(83)
讥不肖子	(85)
针 砭	(85)
巴陵本末	(87)
曲壮冈本末	(92)
玉照常梅品	(95)
诗道否泰	(97)
文庄公滑稽	(98)
景定行公田	(99)
朱唐交奏本末	(102)

《齐东野语》叙

余世为齐人，居历山下，或居华不注之阳。五世祖同州府君而上，种学绩文，代有闻人。曾大父扈跸南来，受高皇帝特知，遍历三院，经跻中司。泰、禧之间，大父从属车，外大父掌帝制。朝野之故，耳闻目接，岁编日记，可信不诬。我先君博极群书，习闻台阁旧事，每对客语，音吐洪畅，绵绵不得休。坐人倾耸敬叹，知为故家文献也。

余韶侍膝下，窃剽绪余，已有叙次。尝疑某事与世俗之言殊，某事与国史之论异。他日，过庭质之，先子出曾大父、大父手泽数十大帙示之曰：“某事然也。”又出外大父目录及诸老杂书示之曰：“某事与若祖所记同，然也。其世俗之言殊，传讹也；国史之论异，私意也。小子识之。”又曰：“定、哀多微词，有所辟也。牛、李有异议，有所党也。爱憎一衰，论议乃公。国史凡几修，是非凡几易，而吾家乘不可删也，小子识之。”

潦遭多故，遗编巨帙，悉皆散亡。老病日至，忽忽漫不省忆为大恨。闲居追念，得一二于十百，惧复坠逸为先人羞。乃参之史传诸书，博以近闻脞说，务求事之实，不计言之野也。异时，展余卷者矇曰：“野哉言乎，子真齐人也。”余对曰：“客知言哉！余故齐，欲不齐不可。虽然，余何言哉？何言，亦言也，无所言也，无所不言，乌乎言。”客大笑，吾因以名其书。历山周密公谨父书。



表答用先世语

范文正公《岳阳楼记》有云：“先天下之忧而忧，后天下之乐而乐。”其后东坡行忠宣公辞免批答，径用此语，云：“吾闻之乃烈考曰：‘君子先天下之忧而忧，后天下之乐而乐’，虽圣人复起，不易斯言。卿将书之绅，铭之盘盂，以为一言而可以终身行之者欤？则今兹爱立之命，乃所以委重投艰而已，又何辞乎？”其后，忠宣上遗表，亦用之云：“盖尝先天下之忧，期不负圣人之学，此先臣所以教子，而微臣所以事君。”此又述批答之意，亦前所未见也。

三苏不取孔明

老泉《权书·强弱篇》云：“管仲曰：‘攻坚则瑕者坚，攻瑕则坚者瑕。’呜呼！不从其瑕而攻之，天下皆强敌也。汉高帝所忧在项籍，而先取九江、取魏、取代、取赵、取齐，然后取籍。秦之忧在六国，蜀最僻、最小，最先取，楚最强，最后取。诸葛孔明一出其兵，乃与魏氏角，其亡宜也。”又论曰：“古之取天下者，常先图所守。诸葛孔明弃荆州取西蜀，吾知其无能为也。”

东坡论曰：“取之以仁义，守之以仁义者，周也。取之以诈力，守之以诈力者，秦也。以秦之所以取取之，以周之所以守守



之者，汉也。仁义诈力杂用以取天下者，此孔明之所以失也。孔明之所恃以胜者，独以其区区之忠信，有以激天下之心耳。刘表之丧，先主在荆州，孔明欲袭杀其孤，先主不忍也。其后刘璋以好逆之至蜀，不数月，扼其吭、拊其背而夺之国，此其与曹操异者几希矣。乃治兵振旅，为仁义之师，长驱东向而欲天下响应，盖亦难矣。”

颍滨论曰：“刘备弃荆州而入蜀，则非其地；用诸葛孔明治国之才而当纷纷之冲，则非其将；不忍忿忿之气以攻人，则是其器不足尚也。”其说盖用陈寿所谓“应变将略，非其所长”之语耳。

虽然，孔明岂可少哉？

诗用史论

刘贡父《咏史诗》云：“自古边功缘底事，多因嬖幸欲封侯。不如直与黄金印，惜取沙场万骷髅。”其意盖指当时王韶、李宪辈耳。而其说则出于温公论李广利曰：“武帝欲侯宠姬李氏而使广利将兵伐宛，其意以为非有功不侯，不欲负高帝之约也。夫军旅大事，国之安危、民之生死系焉。苟为不择贤愚，欲徼幸咫尺之功，藉以为名而私其所爱，不若无功而侯之为愈也。然则武帝有见于封国，无见于置将，谓之能守先帝之约。臣曰：过矣。”盖全用之。

然胡明仲《论留侯》则云：“善乎，子房之能纳说也。不先事而强聒，不后事而失机。不问则不言，有言则必当其可。故听之易而用不难也。评者曰：‘汉业存亡在俯仰间，而留侯于此每



从容焉。诸侯失固陵之期，始分信、越之地，复道见沙中之聚，始言雍齿之侯。善言子房矣。”此论全用荆公诗：“汉业存亡俯仰中，留侯于此每从容。固陵始议韩彭地，复道方图雍齿封。”此则史论用诗也。

近世刘潜夫诗云：“身属嫖姚性命轻，君看一蚁尚贪生。无因唤取谈兵者，来此桥边听哭声。”而东坡《谏用兵之疏》云：“且夫战胜之后，陛下可得而知者，凯旋捷奏，拜表称贺，赫然耳目之观矣。至于远方之民肝脑涂于白刃、筋骨绝于馈饷、流离破产、鬻卖男女、薰眼折臂、自经之状，陛下必不得而见也。慈父孝子、孤臣寡妇之哭声，陛下必不得而闻也。”其意亦出此。

冯必大诗云：“亭长何曾识帝王，入关便解约三章。只消一勺清凉水，冷却秦锅百沸汤。”亦用黄公度《汉高祖论》曰：“伤弓之鸟惊曲木，挽万石之弓以射之，宁无所惧？奔渴之牛急浊泥，饮以清冷之水，宁无所喜？项惊天下以弓，而帝饮天下以水。”

叶绍翁诗云：“殿号长秋花寂寂，台名思子草茫茫。尚无人世团圞乐，枉认蓬莱作帝乡。”亦出于林少颖《武帝论》云：“武帝好长生不死之术，聚方士于京师。由是祷祠之俗兴，以成巫蛊之祸。阳邑、朱昌二公主俱以此诛，而皇后、太子亦皆不免。其始也，欲求长生不死之术，而不可得，徒使败亡之祸横及骨肉，可笑也。”

钱舜选诗云：“项羽天资自不仁，那堪亚父作谋臣。鸿门若遂樽前计，又一商君又一秦。”亦祖陈傅良之《论羽》云：“羽之戮子婴、弑义帝、斩彭生、坑秦二十万众，亚父独不当试晓之邪？使楚果亡汉，则羽又一秦，增又一商鞅也。”

此类甚多，不暇枚举，岂所谓脱胎者耶？



真西山

真文忠公，建宁府浦城县人。起自白屋。先是有道人于山间结庵，炼丹将成，忽一日入定，语童子曰：“我去后，或十日五日即还，谨勿轻动我屋子。”后数日忽有叩门者，童子语以师出未还。其人曰：“我知汝师久矣，今已为冥司所录不可归，留之无益，徒臭腐耳。”童子村朴，不悟为魔，遂举而焚之。道者旋归已无及，绕庵呼号云：“我在何处？”如此月余不绝声，乡落为之不安。适有老僧闻其说，厉声答之曰：“你说寻我，你却是谁？”于是其声乃绝。

时真母方娠，忽见道者入室，遂产西山。幼颖悟绝人，家贫无从得书，往往假之他人，及剽学里儒，为举子业。未几登第，初任为延平郡掾。

时倪文节喜奖借后进，且知其才，意欲以词科衣钵传之。每假以私淑之文，辄一二日即归，若手未触者。文节殊不平，曰：“老夫固不学，然贤者亦何所见，遽不观耶？”西山悚然对曰：“先生善诱后学，何敢自弃？其书皆尝窃观，特不敢久留耳。”文节漫扣一二，皆能成诵。文节始大惊喜。于是与之延誉于朝，而继中词科，遂为世儒宗焉。



梓人抡材

梓人抡材往往截长为短，□大为小，略无顾惜之意，心每恶之。因观《建隆遗事》，载太祖时以寝殿梁损须大木换易，三司奏闻，恐他木不堪，乞以模枋一条截用（模枋者以一人立木之两傍，但可以手摸，不可得见，其大可知）。上批曰：“截你爷头截你娘头，别寻进来。”于是止。嘉祐中，修三司敕内一项云：“敢以大截小、长截短，并以违制论。”即此敕也。大哉王言。岂区区靳一木哉？是亦用人之术耳。元丰中，赵伯山为将作监，太后出金帛建上清储祥宫。内侍陈衍主其役，请辍将作镇库模枋，截充殿梁。伯山执不与，且援引建隆诏旨，“惟大庆、文德殿换梁方许用”，乃已。《邵氏闻见录》乃以为晋邸内臣奏请，且文其辞云：“破大为小，何若斩汝之头乎？”失其实矣。

林 复

林复，字端阳，括苍人。学问材具，皆有过人者，特险隘忍酷，略不容物。绍兴中为临安推官。有告监文思院常良孙赃墨事，朝廷下之临安狱，久不得其情。上意谓京尹左右之，尹不自安。复乃挺身白尹，乞任其事。讫就锻炼成罪，当流海外，因寓客舶以往。中途遇盗，无以应其求，盗取常手足钉著两船舷，船



开，分其尸为二焉。林竟以劳改官，不数年为郎，出知惠州。

时，常有姻家当得郡，愤其冤，欲报之，遂力请继其后，林弗知也。既知惠，适有诉林在郡日，以鸩杀人，具有其实，御使徐安国亦按其家，有僭拟等物。于是有旨令大理丞陈朴追逮，随所至置狱鞫问。及至潮阳，遇诸道间，搜其行李，得朱椅黄帷等物，盖林好祠醺所用者，乃就鞫于僧寺中。林知必不免，愿一见家人诀别。既入室，亟探囊中药投酒中饮之。有顷，流血满地，家人号泣。使者入视，则仰药死矣，因具以复命。然其所服乃草乌末及他一草药耳，至三日乃苏，即亡命入广。其家以空柩归葬。始就逮时，僮仆鸟散，行囊旁午道中。大姓潘氏者为收敛归之，了无所失。其家与之音问相闻者累年，至嘉定末始绝，竟佚其罚云。此陈造周士所记，得之括医吴嗣英，甚详。《夷坚志》亦为所罔，以为真死，殊可笑也。

汪端明

汪圣锡应辰端明，本玉山县弓手子。喻樗子材为尉，尝授诸子学。有兵在侧，言某儿颇知读书，可使侍笔砚。呼视之，状貌伟然，不类常儿。问能属对否？曰：“能。”曰：“马蹄踏破青青草。”应声曰：“龙爪拿开白白云。”喻大惊曰：“他日必为伟器。”留授之学，且许妻以子。后从张横浦游学益进，年十八魁天下。天资强敏，记问绝人。其帅福州，吏闻其名，欲尝之。始谒庙，有姬持牒立道左，命取视之，累千百言，皆枝赘不根。即好谕曰：“事不可行也。”姬呼曰：“乞详状。”公笑曰：“尔谓吾不详耶？”驻车还其牒，诵之不差一字。吏民以为神，相戒不敢犯。



公以忠言直道受知寿皇，自蜀还，为天官兼学士，乡柄用矣。近习多不悦之，朝夕伺间。一日内宿召对，天颜甚喜，曰：“欲与卿款语。”方命坐赐茶，汪奏：“臣适有白事。”上欣然问：“何事？”时德寿宫建房廊于市尘，董役者不识事体，凡门阖辄题德寿宫字，下至委巷厕溷皆然。汪以为非所以示四方，袖出劄子极言之。且谓：“陛下方以天下养，有司无状，褻慢如此。天下后世将以陛下为薄于奉亲，而使之规规然营间架之利，为圣孝之累不小。”上事德寿谨，汪言颇过激，闻之变色曰：“朕虽不孝，殆未至是。”汪曰：“臣爱陛下切至，不欲使陛下负此名，故及此。”上终不恚。奏毕请退，上颌之，不复赐坐，自是眷顾颇衰。会德寿宫市蜀灯笼锦，诏求之，不获。他日，上诣宫言其故，太上曰：“此已得之。”上问所从来，曰：“汪应辰家物也。”上还，即诏应辰与郡。盖近习揣上意，因事中伤，君臣之际难哉。

张定叟失出

建康溧阳市民同日杀人，皆系狱。狱具，以囚上府，亦同日就道。二囚时相与语，监者不虞也。夕宿邸舍，甲谓乙曰：“吾二人事已至此，死固其分。顾事适同日，计亦有可为者。我有老母，贫不能自活，君到府，第称冤，悉以诿我，我当兼任之。等死耳，幸而脱，君家素温，为我养母终其身，则吾死为不徒死矣。”乙欣然许之。时张定叟以尚书知府事，号称严明。囚既至，皆呼使前，问之。及乙，则曰：“某实不杀某人，杀之者亦甲也。”张骇异，使竟其说。曰：“甲已杀某人，既逸出，其家不知为甲所杀也。平日与某有隙，遂以闻于官。已而甲又杀某人，乃